



Pou Piblikasyon Imedya: 03/02/2021

GOUVÈNÈ ANDREW M. CUOMO

GOUVÈNÈ CUOMO ANONSE SENK KONPAYI NEW YORK PRAL PWODUI EKIPMAN AK MATERYÈL KI GEN RAPÒ AK COVID-19 POU SIPÒTE BEZWEN YO NAN ETA A

*Prèske 2 milyon dola yo akòde fabrikan yo toupatou nan Eta a kòm rekonzans
pral bay aksè ki pi rapid ak pi sekirize pou pwodui medikal pou sove lavi yo ak
kreye nouvo travay*

*Eta New York te anonse plis pase 20 milyon dola bay 36 konpayi New York pou
fabrike materyèl vital; konpayi yo pral kreye/kenbe ansanm 3,500 travay*

Gouvènè Andrew M. Cuomo te anonse jodi a gen kat konpayi New York anplis ak yon konpayi ki te resevwa anvan sa sipò eta a ki pral resevwa apeprè 2 milyon dola kòm sipò eta a pou pwodui materyèl ki nesesè pou ede konbat pandemi COVID-19 la. Fon sibvansyon sa yo pral ede alimante mank pwodui ki rive akòz pwoblèm nan chèn apwovizyonman yo ki ta ka rann yo plede monte pri materyèl sa yo. Konpayi yo pral ogmante tou kapasite fabrikasyon Eta a pandan y ap kreye nouvo travay ak opòtinite nan mache a. Jiskaprezan, Eta New York te anonse plis pase 20 milyon dola sibvansyon bay 36 konpayi kalifye ki baze nan New York pou yo reyorganize sektè aktivite komèsyal yo epi reyoryante anvè fabrikasyon materyèl vital yo pou kontinye efò entèvansyon ak retablisman yo. 36 konpayi sa yo pral kreye ansanm ak kenbe plis pase 3,500 travay.

"Pandemi COVID-19 la te ekspoze pwoblèm grav nan chèn apwovizyonman medikal nasyon nou an epi nou te oblige fè konpetisyon aletranje ak peye pri tèt nèg pou pwodui ki sove lavi sa yo", **Gouvènè Cuomo te deklare**. "Nou te aprann leson difisil ke resous sa yo dwe fabrike isit la nan Etazini, epi n ap pran mezi pou batí enfrastrikti nou bezwen nan New York pou kenbe nou prepare pou kriz alavni pandan n ap ede konpayi lokal yo kreye nouvo travay."

"Peyi nou an te mal prepare pou yon pandemi global lè li te rive nan kòmansman 2020 an epi Eta New York te oblige pakouri tè a pou chèche ekipman pou pwoteksyon pèsònèl", **Gouvènè Adjwen Kathy Hochul te deklare**. "Nou fyè pou nou sipòte fabrikasyon lokal ekipman medikal enpòtan yo ki pa sèlman pral sove lavi ak redui depandans sou pwodui aletranje yo, men tou sa pral kenbe travay lokal ak sipòte konpayi nan Eta New York yo."

Nan mwa mas, Gouvènè Cuomo te mande konpayi ki gen operasyon ki baze nan New York yo pou yo reyòganize liy pwodiksyon yo pou yo ka fabrike materyèl enpòtan pou COVID-19 ki [apwouve](#), tankou respiratè, twous tès ak PPE. Konpayi yo fabrike respiratè N95, mask chirijikal, blouz ak ekran pou figi, pamì lòt pwodui. Nan 30 jiyè 2020, Gouvènè Cuomo te anonse [12 konpayi New York](#) te resevwa sipò nan men Eeta a pou pwodui materyèl nesesè pou ede konbat pandemi COVID-19 la, anplis de [8 konpayi](#) ke Empire State Development te anonse nan 15 me 2020. Nan 23 oktòb 2020, Gouvènè Cuomo te anonse gen [8 konpayi New York](#) anplis ki te resevwa sipò pou kòmanse pwodui ekipman ak materyèl ki gen rapò ak COVID-19. Pwogram lan te fèt pou asire ke etablisman sante Eta New York yo pral gen aksè a PPE si ak lè yo bezwen li.

Pou plis ankouraje fabrikasyon lokal materyèl ak aparèy medikal enpòtan yo ak pou redui depandans sou pwodui aletranje yo, Gouvènè Cuomo te pwopoze tou [Lwa sou Materyèl Medikal](#) pou priyorez achte PPE ak materyèl medikal Ameriken fabrike nan kad ajanda Reyimajine | Rekonstwi | Renouvre 2021 li an. Nouvo règleman sa a pral ede kreye ak kenbe travay lokal pandan l ap garanti sante ak fyabilite sektè sa a pou plizyè ane alavni.

Komisè Pwovizwa, Prezidan ak Direktè Egzekitif Jeneral yo nonmen pou Empire State Development, Eric Gertler te deklare, "Eta New York gen anpil nan konpayi ki pi inovatè nan mond lan. Sipò ESD ap bay biznis sa yo pa sèlman reponn apèl Gouvènè Cuomo a ki mande pou endistri New York yo ede nan kad efò k ap fèt pou lite kont kowonavirus la, men li reflete tou envestisman k ap fèt pou ranfòse sektè fabrikasyon Eta a pou l adapte byen rapid ak nouvo opòtinite sou mache a epi kontinye kwasans entèlijan rekò li a pandan n ap rekonstwi pi byen".

1 Atelier - 500,000 dola - Vil New York - 1 Atelier se yon fabrikan valiz men nan Vil New York. Lè pandemi an te frape Vil la nan mwa mas, Direktè Egzekitif Jeneral konpayi an te deside li bezwen ede kominate medikal la jwenn PPE yo bezwen pandan y ap kenbe an menm tan pèsonèl 60 anplwaye yo a atravè sa yo te konnen ki t ap yon sitiayson difisil. Avèk asistans sibvansyon sa a, 1 Atelier te pase nan fabrike respiratè N95 pou kominate medikal la epi espere resevwa apwobasyon li nan men Enstiti Nasional pou Sekirite ak Sante nan Travay (National Institute for Occupational Safety and Health, NIOSH) nan kòmansman ane k ap vini an. 1 Atelier te angaje li pou fabrike yon premye seri 250,000 respiratè N95.

Aero Healthcare US LLC - 800,000 dola - Mid-Hudson - Aero Healthcare se yon fabrikan ak distribitè global materyèl swen sante. Konpayi an pral agrandi etablisman li genyen an pou mete nan boutèy dezenfektan pou men ak fabrike boutèy plastik ak ponp pou vesò li yo. Kwasans lan pral gen ladan acha machin ak ekipman ak matyè premyè. Nan pwodiksyon total, Aero Healthcare pral pwodui 200,000 inite dezenfektan pou men chak semèn. Se premye faz yon pi gwo plan pou pote dozaj ak melanj dezenfektan pou men nan enstalasyon konpayi Konte Rockland lan. Pwojè a pral gen ladan yon envestisman 2.1 milyon dola ak 10 nouvo travay pou atenn tout kapasite li.

ARX Sciences- 200,000 dola - Rejyon Lwès New York - ARX Sciences te fonde nan ane 2019 epi gen syèj sosyal li nan Lwès New York. Konpayi an konsevwa, devlope ak fabrike reyaktif pou itilize nan dyagnostik in vitro. ARX ofri tou yon seri pwodui byochimik pou syantifik ak chèchè klinik yo itilize. Konpayi an te rive aplike pou yon sibvansyon COVID-19 pou kòmanse fabrike mwayen pou transpò viral, oswa VTM, epi konpayi an pral pwodui 250,000 inite, sa k ap kreye 20 nouveau travay nan izin fabrikasyon li an nan Lwès New York.

Borden Manufacturing - 46,000 dola - Vil New York - Borden Manufacturing fabrike ekipman pou lopital tankou rido kibik jetab ak sak pou dechè medikal. Konpayi an ap resevwa yon sibvansyon pou refòme enstalasyon li an pou pwodui blouz lopital jetab Nivo 1 ak mask jetab. Kwasans lan pral gen ladan acha machin ak ekipman, matyè premyè ak anboche kat nouveau anplwaye. Pwojè anviwon 166,000 dola a pral pèmèt Borden pwodui 365 mask ak 3,276 blouz chak semèn nan tout kwasans li, ki se yon total 46,800 inite pandan premye peryòd 90 jou a. Konpayi an planifye pou kontinye fabrike blouz ak mask san rete.

Genesis Disposables LLC - Sibvansyon: 400,000 dola - Mohawk Valley - (dezyèm sibvansyon) - Genesis Disposables te fabrike rad ak akseswa jetab pou yon kliyantèl divèrsifye pandan plis pase 30 ane nan izin li ki sitiye nan Frankfort, NY. Konpayi an gen ladan yon gwo gam matyè premyè ki ka konvèti byen rapid an pwodui fini, sa ki pèmèt yo ofri delè egzekisyon eksepsyonèl. Genesis Disposables te atenn kapasite li nan izin fabrikasyonaktyèl li a epi ap chèche demenaje pou ale nan yon pi gwo izin ak achte machin ak ekipman fabrikasyon pou ogmante pwodiksyon an. Pwojè a gen ladan yon envestisman 6.8 milyon dola pou ogmante pwodiksyon blouz izòlman Nivo 1 ak Nivo 2 yo nan 100,000 chak mwa dabò, ansuit ogmante li nan 250,000 chak mwa rive nan fen 2021, sa k ap kreye 55 travay nan premye ane a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)